

史料旬刊

第十五期

資  
史  
旬  
刊


中華民國十九年十月二十一日出版

史料旬刊第十五期

編輯所 故宮博物院文獻館

發行所 神武門外發售室

印刷所 京華印書局



		郵費		價目表	
		外埠	國內	每旬一冊	每半年
本市 上海 天津	每期一角	四角	六角五分	十八冊	預定半年
	每期二角	六角五分	十二元	三十六冊	預定全年
	<small>本院發寄刊物均交郵局掛號遞送以免遺失</small>				

商務印書館 中華書局  
 文明書局 世界書局及  
 其他各大書店均有代售

史料旬刊第十五期目錄

成造中和樂器案 原件藏三所

(一) 英廉摺

(二) 英廉摺二

(三) 英廉摺三

江蘇大乘無爲二教案 原件藏三所

(一) 彰寶摺

江浙長生教案 原件藏三所

(一) 永德摺二

浙江巡撫永貴奏覆杭城旗民鬪毆情形摺 原件藏三所

清乾隆修建各處殿宇工程案 原件藏三所

(一) 英廉等摺

(二) 英廉  
劉浩摺

(三) 英廉  
劉浩摺二

臺灣黃教案 原件藏三所

(一) 鄂寧摺

(二) 吳必達摺

(三) 鄂寧摺二

(四) 吳必達摺二

(五) 鄂寧摺三

道光朝外洋通商案 原件藏三所

(一) 陶澍摺二  
林則徐

(二) 陶澍片  
林則徐

(三) 訥爾經額摺二

(四) 奕穎摺

山西巡撫阿思哈奏覆大同等州縣查無長陵遺址摺 原件藏三所



成造中和樂器案

英廉摺

奴才英廉謹奏爲奏聞估計銀兩數目事乾隆三十四年二月二十八日奉旨  
紫光閣應用中和樂器着照圓明園新造中和樂器添造一分欽此欽遵查圓  
明園新造中和樂器內青玉太簇特磬一件係交蘇州織造於辦造各壇廟宮  
殿玉磬餘料四件內揀選一件成造其餘三件經織造處遵旨成造瓶洗用去  
無存今查有從前成造靈璧石特磬時尙有餘存磬料十六件請於此內揀用  
一塊成造特磬一面奴才另行畫樣並磬料呈覽後照辦其靈璧石編磬一分  
十六面查有壇廟宮殿換下靈璧石編磬四分請卽由此四分內揀選一分見  
新應用再查三十三年辦造圓明園樂器有自內交出瑟四張用過二張餘存  
二張此次所用之瑟卽將此二張改造見新應用以上二項外其應造之太簇  
罇鐘一圓編鐘十六圓請交鑄鑪處鑄造其篋簾笙管笛簫等項揀派妥員按  
式製造除所用繡緞衣幃麾旛流蘇絨繩鸞鈸方響鐵叉鐵鼓子等項俱交各  
該處成造顏料飛金漆油松木等項由各該處領用又楠木二百九十二尺由

圓明園木廠領用外所有鑄鐘工價及製造樂器等項工價約估需銀一千一百六十一兩六錢請向廣儲司領取奴才督率官員敬謹成造至新造鑄鐘編鐘例用赤金鍍飾應俟造得時量准尺寸另行奏領赤金揀派專員監看鍍飾毋致草率偷減其所需銅筋有上次鑄造鑄鐘餘剩銅筋應用毋庸另行請領統俟造成時另行查核奏銷謹將工料銀兩細數另繕清單一併恭呈御覽為此謹具奏聞乾隆三十四年四月初五日奉旨知道了欽此

行取各項物料顏料數目

楠木見方尺二百九十二尺

松木丈檄七十料

紫檀木見方尺一尺五寸

花梨木見方尺一寸

烏木見方尺二寸

桐木見方尺一尺三寸

梓木見方尺三寸

牛皮十張半

碌斜皮六張

碎鹿角十斤

象牙瑟馬五十塊

長一寸二分見方六分象牙十九塊

徑二寸五分厚三分牛角十八塊

篋竹二枝

排簫竹十六枝

簫竹十枝

笛竹十四枝

笙竹三百六枝

笙簧三百六片

銀母琴徽五十二個

琴扣二十八根

琴弦二十八根

瑟弦五十根

寸弦三百八十六根

紡絲八寸

長二尺二寸九分寬二尺七分畫絹四塊

幅寬一尺八寸黃綾一尺七寸五分

幅寬一尺八寸紅綾三寸四分

杭紬三十七丈二尺

夏布六十一丈

白布七尺七寸

絲棉十兩

白絲二兩

桐油一百三十九斤

嚴生漆二百四十九斤

退光漆三十八斤

籠罩漆五十九斤

紅飛金五十八塊九十帖

黃飛金十九塊六十帖

魚子金四十五帖

白煎油六斤

香油六斤

貼金油十兩

漆硃四十三斤

銀硃十六斤

紅土八十斤

黃丹十斤

土子十斤

線麻二斤

陀僧二斤

廣膠十斤

水膠十六斤

青粉十五斤

土粉一斤 寸九分寬二尺七分重絹四塊

定粉十二斤 寸黃綾一尺七寸五分

廣靛花四斤 寸紅綾三寸四分

天大青五斤 丈二尺

梅花青五斤

石三青一斤

二碌一斤 丈六寸

石大碌三斤 丈六寸

石二碌五斤 丈五寸

石三碌二斤 丈五寸

白礬十兩

胭脂五十七片

剛竹一根

長九尺竹瓦一塊

長七尺寬一寸毛竹片三十三片

炸煤九百四十四斤

黑炭九十八斤

鐵絲十斤四兩

木柴一百七十一斤

### 英廉摺二

奴才英廉謹奏據鑄鑪處送到遵旨換鑄圓明園應用太簇鐘一圓交廣儲司照例鍍飾查鍍飾太簇鐘一圓花活折見方寸六百四寸每一寸例用金五釐計金三兩二分素活折見方寸三百六十二寸二分每一寸例用金四釐計

金一兩四錢四分八釐共需用頭等金四兩四錢六分八釐理合奏明請於廣儲司銀庫收貯兩淮解到頭等金內動用鍍飾以備應用謹此奏聞乾隆三十六年十二月二十八日具奏奉旨知道了欽此

英廉摺三

奴才英廉謹奏爲奏聞估計樂器銀兩事前經奴才奏准應造熱河文廟中和樂器一分內應用特磬二面編磬十六面由舊磬內揀選見新應用其罇鐘二圓編鐘十六圓照式交鑄爐處鑄造應用其餘琴瑟篋簾等項樂器樂工袍帶均照舊式成做但漆水活計恐八月丁祭之前未能應用請將查現在熱河有備用中和樂器一分交該工監督見新修飾應用俟奴才所辦樂器成時即送往熱河行宮備用一轉移間似屬兩便等因奏准在案奴才查得此次應造樂器除特磬二面編磬十六面由舊磬內選用罇鐘二圓係夾鐘南呂二律宮度已交鑄爐處製造外其篋簾架座琴瑟祝敔搏拊旌節木笏籥羽等項樂器木胎共計八十六件計需楠木二百五十尺請向圓明園木廠由陳楠木內選用



成做收貯樂器箱匣需用杉木三百四十尺請向工部木倉領用鸞鳳鼓鉞雲  
鑼等項銅活搯絆護口鈎環飾件等項鐵活磨旛衣圍流蘇套墊繩繼蓋砒油  
單並樂工袍衣帽帶等物請交各該處成造送用紬絹夏布金漆顏料並笙管  
笛簫箎竹琴瑟板椎梓桐檀木笙簧塤胎等項材料請向各該處領用所有辦  
買雜料並木匠漆匠樂器匠等工價共約估銀五百八十八兩八錢二分七釐  
請向廣儲司銀庫領用工竣核實奏銷至監造各項活計奴才揀派妥員專管  
辦理仍親身督辦再查熱河備用中和樂器內尙有丹陛樂器一分今除中和  
樂器已請交該工見新修飾以備文廟應用外其丹陛樂器年久不免尠舊將  
來奴才送到新造樂器未能一律新鮮亦請交該工就近一例修飾見新以備  
應用再作樂太監衣帶係由京帶去亦俱尠舊應請新造樂工衣帶一分卽交  
熱河收貯以備應用既得一例俱新且可免年年往返運送是否有當伏候訓  
示遵行謹將物料工價數目繕寫清單恭呈御覽爲此謹奏請旨等因於乾隆  
四十一年十二月二十八日具奏奉旨知道了欽此

廣儲司筆帖式成

保押

圓明園筆帖式佛爾慶厄 押

營造司筆帖式薩 柱 押

武備院筆帖式興 保 押

造辦處筆帖式湯 武 塞 押

掌儀司筆帖式福德 無可辦理 押

樂部供用官五 達 子 押

總理工程處庫掌托 金 押

行取物料數目單

楠木見方尺二百五十尺

杉木見方尺三百四十尺

紫檀木厚一寸見方尺三尺

梓木見方尺二寸

桐木見方尺五尺六寸

長二寸寬一寸四分厚五分象牙一百塊

長一寸二分見方六分象牙十三塊

徑二寸五分厚三分水牛角片六片笙簧一百十二片

銀母琴徽七十八個

埴胎二枚

笙竹一百十二枝

箎竹四枝

排簫竹三十二枝

簫竹六枝

笛竹六枝

琴扣四十二根

琴絃四十二根

瑟絃一百根

寸絃一百八十道

紡絲一尺六寸

長二尺二寸寬二尺畫絹四塊

寬一尺八寸黃綾一尺七寸五分

寬一尺八寸紅綾三寸四分

山西絹三十八丈

夏布七十七丈

白布一丈六尺

絲棉十一兩

白絲九兩

桐油五百六十斤

白煎油五斤

香油十二斤八兩

貼金油五兩

嚴生漆二百斤

退光漆五十一斤

籠罩漆九十八斤

紅金五十四塊

黃金十八塊

魚子金四十五帖

銀硃八十一斤

片紅土一百十斤

黃丹三十四斤

土子三十三斤

陀僧五斤十兩

廣膠八斤

水膠四斤

白礬十二兩

土粉一斤

定粉十斤

廣藜花六斤

天大青五斤八兩

天二青三兩

石三青九兩

梅花青十五兩

石大綠四斤

石二綠二斤二兩

石三綠十五兩

二綠一斤八兩

赭石一兩

臘黃一兩

石黃一兩

胭脂三十八片

紅花水一兩九錢

潮腦一兩五錢

血牛皮一張

碎鹿角二十五斤

魚鱔十七斤

剉草五斤

黃榜紙一百二十張

方白纒紙一千六百張

二白纒紙一千六百張

砂紙六十張

辦買物料並工價銀兩數目單

木作工價銀三百九十九兩四錢七分六厘

漆作工價銀一百四十九兩一錢八分

樂器作工價銀十九兩五錢五分八厘

雜料銀二十兩六錢一分三厘

通共銀五百八十八兩八錢二分七厘

本行...

...

...

...

...

...

...

...

...

...

...

...



江蘇大乘無爲二教案

彰寶摺

江蘇巡撫臣彰寶謹奏爲審明經堂邪教嚴切定擬具奏事竊照蘇州城外訪出久經奉禁之大乘無爲二教經堂十一處拿獲管堂人朱文顯傅浩然聞漢公陳文高姜漢如鮑士鳳郭肇中周士華胡士英及僧人性海等共計師徒工伙住宿各犯七十餘名該管堂之人非僧非道藉稱各有宗派開堂施教平日茹素誦經招徒傳授并與無籍水手往來存頓非僅煽惑本地愚民更恐與外海駕船之人勾引爲匪潛滋不法或割辦奸徒卽有知情夥黨在內均當嚴速跟究經臣與按察使吳壇先後具摺奏聞仰蒙聖諭訓示至周至詳臣率同在省司道等逐一提犯悉心研訊先將潛謀割辦之正犯有無隱竄其中交通勾結情由細加根究據該犯等堅供堂內居住之人多係年老殘疾不能做此惡事凡遇面生可疑者從不容留並不敢藏匿割辦匪犯知情交通臣復隔別開導令伊等據實供吐卽作自首如知線路并予給賞反覆細詰堅稱實不知匪犯踪跡俱矢口不移臣又以蘇松沿海口岸甚多且逼近太湖該犯等容頓駕

船之人入其教內必有外洋水手及湖中漁匪潛踪交往情事臣與兩司等逐細嚴究據該犯等堅供伊等原係駕船出身年老無依赴堂入教現在所傳徒弟及招接入教人等仍係糧船水手及內河駕船之人并無與外海水手往來至太湖漁戶以船爲家亦從無投教認識伊等止是修齋念經並寓歇幫船水手取資過活等語窮詰至再衆供如一臣細查現獲多人實無湖海駕船水手混雜在內又將搜出經卷書本圖張逐一翻閱其經卷係奉禁羅教所傳名爲苦工悟道破邪開心還原報恩等項悉係鄙俚語句其抄本圖張止係開叙支派並無狂悖逆詞應以邪教本條嚴行究擬以昭炯戒茲臣將各經堂分立教門招徒傳授及存頓水手各情由悉心研審緣大乘教經堂共有六處現在朱文顯掌管經堂地名削筋墩康熙十六年係已故徐士鸞始創買地造房八間傳徒許士斌乾隆四年間朱文顯投拜許士斌爲師入教喫素後許士斌身故朱文顯即行接管其陳文高所管陳姓經堂謂之南堂係康熙三十九年周元甫買地起造計屋十四間傳徒張華霄乾隆十六年陳文高拜張華霄爲師入教張華霄故後傳與陳文高接管姜漢如所管姜姓經堂謂之北堂係康熙五

十二年盛姓建造計屋二十一間傳徒陳聚升乾隆二十一年姜漢如投拜陳聚升爲師入教陳聚升故後傳與姜漢如接管以上南堂北堂均係朱文顯所管之削筋墩老堂分出又傳浩然所管之傅姓經堂向係方姓買地造房二十三間傳徒李天相乾隆十五年傅浩然投拜李天相爲師入教李天相故後遞傳至傅浩然接管其聞漢公所管之聞姓經堂向係潘益安建房六間傳與孫文惠乾隆二十九年聞漢公投拜孫文惠爲師入教孫文惠故後傳與聞漢公接管周士華所管羅橋經堂向係朱洪若夫婦居住計屋六間於乾隆十五年收周士華爲徒入教朱洪若故後傳與周士華接管以上傅姓聞姓及羅橋三經堂亦係朱文顯削筋墩老堂一派流傳俱爲大乘教至於無爲教經堂共有四處西來菴經堂係僧人性海掌管康熙五十三年傅姓建造計屋八間傳於陳楚芳乾隆四年間性海投拜陳楚芳爲師入教陳楚芳故後遞傳至性海接管又郭肇中所管之馬菴經堂係康熙六十一年馬姓買地建蓋計屋十九間傳於李翠庭轉授於高聚功乾隆二十四年郭肇中投拜高聚功爲師入教高聚功故後郭肇中接管又閩菴經堂胡士英及樓下經堂鮑士鳳俱係錢有恭

之徒於乾隆二十二年投拜入教錢有恭故後胡士英與鮑士鳳分住兩堂  
以上馬菴閣菴樓下三堂皆與性海所管之西來菴傳派相同俱稱無爲教究  
其立教之始據稱起於前明人羅孟洪以清淨無爲創教勸人修證來世稱爲  
羅祖羅孟洪之子名佛廣及伊壻王善人另派流傳又謂之大乘教現在朱文  
顯所奉大乘教係北邊郎姓派下傳於衡水張姓從前張家灣有大乘經堂分  
至南邊其性海所奉無爲教係由淮安錢姓傳至鳳陽閻姓遞傳至蘇州相沿  
迄今每歲冬至在教之人齊集堂內將傳下經卷誦念禮拜各出銀一錢及七  
八分以爲齋供平時喫素修行並無別項邪術遇有初來入教者收銀一二兩  
以作投師之儀現獲朱文顯堂內入教人係王志興王錫九侯士俊江承棟陳  
天錦等五名陳文高堂內入教人係徐世美姚洪英金向臣等三名姜漢如堂  
內入教人係鄧安高文學張文昌李從輝徐開福介有富等六名傅浩然堂內  
入教人係張文得黃國柱王公和張文學蘇明開王世吉陳東玉劉成烈沈國  
泰等九名性海堂內入教人陸裕祥及郭肇中堂內入教人韓友并續獲漕船  
水手江通海周明安王第三陸國興劉芬田寶三等六名以上三十一人俱係

歸教喫素隨同念經之人惟梅起桂許子尉陸裕劉起雲蔡殿臣錢起龍六名雖長住堂內俱係年邁殘疾貧無所歸羈留收養其餘各堂暫住之人係王文元蘇又良陳上書陸國明徐起龍王國治周富蔡升龔文明朱大周茂發沈洪遠任文舉王友甫田有太謝國柱陸中元張起鳳費萬如丁啓元姜興梁國裕徐子順張四徐進羅君良許漢文湯廷書李文友萬永年張古榮袁荊州趙岐山王元陳同周恒徐士魁吳德利倪珠張自貴錢文卿張福馬魁等四十三名俱係駕船爲活因糧船減存修造伊等閑空歇業因各堂不取房租只收飯錢皆貪圖省便到堂住宿遇有生意仍各弄船他往均非入教之人悉據歷歷供明各無遁情伏查律載一應左道異端之術煽惑人民爲首者絞監候等語朱文顯係大乘教爲首僧性海係無爲教爲首朱文顯僧性海均依爲首律擬絞監候其分管經堂之陳文高姜漢如聞漢公傅浩然周士華胡士英鮑士鳳郭肇中等八名均合依爲從律各杖一百流三千里仍將年在六十以下之陳文高姜漢如傅浩然胡士英鮑士鳳郭肇中改發烏魯木齊給披甲人爲奴其隨同入教之王志興等三十一人尙未轉相傳徒應照爲從再減一等各杖一百

徒三百其餘暫住各堂之王文元等四十三人雖訊係相沿借寓尙未喫素入教但在邪教堂內往來存頓究有習染之心應將王文元等各照不應重律杖八十折責發落其依堂度日之梅起桂等六名皆未入教傳徒實已殘疾年老請免置議再元和縣聖塘灣地方續查出受生經堂一處係已故之王武山入教看管傳徒張明岐亦已物故接管無人現在看守者名王素臣係王武山之姪王素臣因此房空閑携妻至堂居住並未入教亦無庸議以上經堂十一處房屋俱飭查明入官拆變充公以杜根株起出經卷圖張俟結案後銷毀至此案邪教雖現任司府縣各官自行拿獲其從前失察各官仍查明另行咨參議處理合叙具簡明供單恭呈御覽謹會同督臣高晉分別定擬具奏伏乞皇上聖鑒勅下法司核覆施行謹奏乾隆三十三年十月初一日硃批「該部議奏」



江浙長生教案

永德摺二

浙江巡撫臣覺羅永德跪奏爲審明邪教案件恭摺奏聞事竊照江蘇省寧獲長生教朱華章等供出浙江西安縣有汪長生齋堂經衢州府屬之西安縣知縣胡師亮會同江省委員查起偈語經像緣簿并獲訊住堂崇教之陸貞三等又據嘉興府屬之秀水嘉興二縣查獲郡城彌陀菴之于文益及在家奉教之王懷德等均保持齋拜懺之人臣隨一面嚴飭查拿餘黨務無縱漏一面於上年十月十三日先行奏明在案嗣復據平湖縣拿獲住居汪靜菴齋堂之何永祥等並嘉興秀水等縣續獲皈教餘犯多人行據按察使曾日理審擬招解前來臣復加親審緣汪長生卽汪普善在西安縣地方於前明萬歷年間創建齋堂勸人吃齋念佛謂可却病延年伊表姊姜徐氏卽姜媽媽亦用此說勸導婦女名爲長生教汪長生死後卽葬於齋堂左邊之無影山其徒康龍高智二人合葬墓旁姜媽媽另葬六石地方坟墓碑碣俱存前因其教甚行從者頗衆齋堂添建至數百間田產亦多雖無不法情事究屬異端雍正五年間經前督臣

李衛檄行查禁將在堂外來之人遞回本籍其本地民人驅逐出堂齋堂拆毀改建爲普濟育嬰二堂田地入官即充普育二堂經費酌留廚屋數間給與佃種官田之余聖功居住祇因原係齋堂舊屋仍稱爲齋堂後有無依老民葉姓粟姓李姓及金文標先後各到堂附居仍踵故習吃齋念經自余聖功死後係金文標接管乾隆二十八九年葉粟李三姓並金文標相繼亡故係現在住堂之陸貞三接頂佃田有洪光昌嚴文標附居堂內帮工又有張子祥吳一成亦佃官田搭棚另住俱與陸貞三畝依長生教乾隆三十一年九月內其堂被火焚燒經卷均遭焚燬有另住蓮花村奉長生教之陳尙義欲爲重建隨自行創立緣簿喚同洪光昌前赴嘉興府秀水縣之彌陀菴暫住浼令畝教之嘉興人陸添餘卽陸天宜又名天益領赴韓子侯徐聖山朱二等家各化錢多寡不等陸添餘亦自出錢七百元陳尙義又自往蘇州一帶募化銀錢回家仍照舊址蓋造新堂陳尙義將白磁觀音大士一尊供奉於中旁設空坐椅以爲汪長生之位又將家藏汪長生畫像裱好交陸貞三收存陳尙義旋卽物故又先於乾隆三十一年有嘉興彌陀菴今已物故之曹大成訂約陸添餘轉糾王大卽



王玉山並其已故妻章氏等共四男四女偕往西安拜掃汪長生墳墓三十二年有江蘇吳江縣現獲之朱華章金文龍同婦沈老親娘王老親娘來邀陸添餘往西安上墳陸添餘卽同妻倪氏並偕嘉興已故之陳周氏共七人前往西安拜墓三十三年正月陸添餘又糾約朱二等五人並添餘之妻倪氏倪氏又糾約王親娘等共男婦十人同往西安拜墓而歸此西安縣已禁之長生教復相崇奉之情由也又秀水縣查拿彌陀菴一處奉教之于文益等緣有已故張明山住居秀邑報忠坊私奉長生教明山身故無子其屋係伊徒于文明住居皈教將住屋改爲彌陀菴每年正月初一三月初三六月初九月初九十一月十七等五日在菴拜懺念經于文明身故係曹大成接管文明之弟于文益三十二年間自盛澤回歸適曹大成已死文益遂至彌陀菴居住仍循伊兄之舊念經拜佛有同住之爰三觀卽儲三沈德容亦俱吃素皈教菴內所供係觀音彌勒韋馱所念係心經金剛等經來菴拜懺之人係陸添餘葉茂山王世榮俞六潘立昭朱元士韓子侯徐聖山魏順安王玉山楊永祥王茂林孟鶴林倪四楊繼魁沈益山沈惠山朱二張世榮等每次各出米一升錢十二文給于文

益買備香燭菜蔬共食素齋一頓而散又有江省吳江人張五即張添升計文韜徐天桂王振凡朱華章沈廷秀等亦至菴禮拜此秀水彌陀菴私奉長生教之始末也又嘉興縣查獲奉教之王懷德等緣王懷德之兄王明懷在日多病吃素念經與同村人金叙壬楊叙良即在明懷家內共起念佛會名爲長生齋未經另設齋堂每逢正月初一三月初三九月初九同金叙壬楊叙良及陸添餘陸廣文徐廣恒徐煥文錢二萬洪書鍾寧高王世榮拜誦心經等經亦各出錢米以爲香燭飯食之費二十六年王明懷病故停止至三十二年冬間王懷德患病金叙壬復言吃素拜佛可以却病延年王懷德即續伊兄長生教懺會其隨同拜佛者仍係金叙壬等十人又有伊戚徐方恒徐世龍亦來隨同禮拜此嘉興縣王懷德等在家私拜懺會之原委也又平湖縣查獲方家齋堂一處緣該處從前有一方姓蓋造方家齋堂後方姓故絕其堂爲李和尚住持改名汪靜菴菴有膳田七畝李和尚故後係俞聖年接管二十六年俞聖年身故經朱茂林接管朱茂林自因老病邀何永祥同居照料并令種田之錢文覺在菴服侍錢文覺之姪錢文均亦寄住幫工菴內供奉觀音三官關帝諸神並不做

會念經止有菴隣蕭九韶於正月十五日二月十九日三官觀音誕辰到菴點燭禮拜此平湖縣汪靜菴之由來也嗣經江省拿獲長生教朱華章等供出其教起於浙江西安縣前明之汪長生續又供出嘉興之陸天宜卽陸添餘委員赴浙查拿先將陸添餘獲去隨經秀水嘉興平湖三縣拿獲皈教之于文益王懷德何永祥等多犯並起獲經卷錄供通報並據西安縣會同江省委員拿獲長生齋堂人犯陸貞三等搜起經像並提回陸添餘一併解省究審今臣親訊之下各供前情歷歷如繪臣因陸添餘等念經皈教恐有私相聯絡惑衆爲匪情事嚴加究詰矢口不移其各菴內并已故之陳尙義家亦據各該府縣並江省委員嚴行搜查委無隱藏未繳之經板圖像已無遁情查律載一應左道異端之術或隱藏圖像燒香集衆夜聚曉散佯修善事煽惑人民爲首者絞爲從者各杖一百流三千里等語長生教雖無別項爲匪情事實係左道異端今各犯訊係接續附和尙非倡首之人但陸添餘一犯或赴彌陀菴或至王明懷家隨處入教聚會并節次糾約男婦前往西安汪長生墓所上墳看像又領同陳尙義化緣重建西安齋堂實與首犯無異陸添餘卽陸天宜合依爲首者絞律

應擬絞監候秋後處決西安住堂之陸貞三將已經禁逐之齋堂接管崇奉並收藏邪像款待上墳禮拜之人情罪比爲從者較重應改發烏魯木齊等處給種地兵丁爲奴西邑之嚴文標洪光昌住堂皈教秀邑之于文益嘉邑之王懷德各踵其兄故轍重做教會金敍壬亦皈教入會並復勸王懷德奉教念經均屬玩法但俱非創首之人應將此五犯均照爲從例杖一百流三千里其餘念經皈教並不住堂之張子祥吳一成楊叙良雖不住菴曾往西安拜墓之韓子侯徐聖山王玉山楊永祥王二朱二蕭九韶及住菴拜佛之沈德容爰三觀何永祥均擬杖一百徒三年其僅止念經拜佛並不住堂皈教之潘立昭等二十名並失察之保長各擬杖完結又案內三十一二三等年上墳婦女人等應罪坐夫男除已經身故及伊夫現於本案內問罪外餘飭該縣查訊夫男按擬詳結再緣簿內出錢佈施之人除現獲各犯已訊明擬罪外此外係陳尙義等隨便勸輸多寡不一並非邪教夥黨應免置議各處齋堂齋菴盡行拆毀基地查明入官汪長生康龍高智姜媽媽各墳塚俱應刨平將墓碑擊毀勿留遺跡以杜根株餘訊無干概行省釋西安縣搜起汪長生畫像經卷並嘉秀等縣起獲

經卷等物概行銷燬姜媽媽之像已經陳尙義在日因破爛焚燬毋庸置議再已故之陳尙義家所起經卷內有普靜如來檢教寶經一本下生寶經一本內有釋迦偷花降世人免劫累及九九八十一劫等語雖無悖逆不法情事實屬荒誕不經除隨疏送部查核銷燬外恐別有傳佈應令各該府縣嚴查銷燬不許存留至嘉興秀水二縣雖於江蘇咨拿人犯之外現已實力拿獲多犯但江省發覺在先查拿在後西安一縣係江省委員到後方始會同查拿所有現任嘉興縣知縣王士澣秀水縣知縣劉佑西安縣知縣胡師亮失察各職名仍隨招送部查議平湖縣知縣周昭存所獲汪靜菴各犯係屬自行訪拿應免查參其該管上司及從前失察各官職名現在查取另行咨部議處除另疏具題外緣關審明邪教案件謹再繕摺奏聞伏祈皇上睿鑒謹奏乾隆三十四年三月十九日硃批「該部議奏」

臣等謹將前次奉旨查辦各案  
 逐一開列如左  
 一、查辦各案  
 二、查辦各案  
 三、查辦各案  
 四、查辦各案  
 五、查辦各案  
 六、查辦各案  
 七、查辦各案  
 八、查辦各案  
 九、查辦各案  
 十、查辦各案  
 十一、查辦各案  
 十二、查辦各案  
 十三、查辦各案  
 十四、查辦各案  
 十五、查辦各案  
 十六、查辦各案  
 十七、查辦各案  
 十八、查辦各案  
 十九、查辦各案  
 二十、查辦各案  
 二十一、查辦各案  
 二十二、查辦各案  
 二十三、查辦各案  
 二十四、查辦各案  
 二十五、查辦各案  
 二十六、查辦各案  
 二十七、查辦各案  
 二十八、查辦各案  
 二十九、查辦各案  
 三十、查辦各案  
 三十一、查辦各案  
 三十二、查辦各案  
 三十三、查辦各案  
 三十四、查辦各案  
 三十五、查辦各案  
 三十六、查辦各案  
 三十七、查辦各案  
 三十八、查辦各案  
 三十九、查辦各案  
 四十、查辦各案  
 四十一、查辦各案  
 四十二、查辦各案  
 四十三、查辦各案  
 四十四、查辦各案  
 四十五、查辦各案  
 四十六、查辦各案  
 四十七、查辦各案  
 四十八、查辦各案  
 四十九、查辦各案  
 五十、查辦各案  
 五十一、查辦各案  
 五十二、查辦各案  
 五十三、查辦各案  
 五十四、查辦各案  
 五十五、查辦各案  
 五十六、查辦各案  
 五十七、查辦各案  
 五十八、查辦各案  
 五十九、查辦各案  
 六十、查辦各案  
 六十一、查辦各案  
 六十二、查辦各案  
 六十三、查辦各案  
 六十四、查辦各案  
 六十五、查辦各案  
 六十六、查辦各案  
 六十七、查辦各案  
 六十八、查辦各案  
 六十九、查辦各案  
 七十、查辦各案  
 七十一、查辦各案  
 七十二、查辦各案  
 七十三、查辦各案  
 七十四、查辦各案  
 七十五、查辦各案  
 七十六、查辦各案  
 七十七、查辦各案  
 七十八、查辦各案  
 七十九、查辦各案  
 八十、查辦各案  
 八十一、查辦各案  
 八十二、查辦各案  
 八十三、查辦各案  
 八十四、查辦各案  
 八十五、查辦各案  
 八十六、查辦各案  
 八十七、查辦各案  
 八十八、查辦各案  
 八十九、查辦各案  
 九十、查辦各案  
 九十一、查辦各案  
 九十二、查辦各案  
 九十三、查辦各案  
 九十四、查辦各案  
 九十五、查辦各案  
 九十六、查辦各案  
 九十七、查辦各案  
 九十八、查辦各案  
 九十九、查辦各案  
 一百、查辦各案



浙江巡撫永貴奏覆杭城旗民鬪毆情形摺

浙江巡撫臣永貴謹奏爲奏覆事竊於本年六月二十九日承准大學士公傅恒等字寄內開乾隆十六年六月十九日奉上諭朕聞杭州兵丁因角口細故與民人鬪毆報復搶奪鋪戶竟至罷市雖經該撫永貴奏明旗民挾嫌打架數案現在嚴飭究治但此等毆搶鬪鬧之案於地方大有關係且杭城省會重地有將軍巡撫彈壓何至兵民互毆如果有罷市情形則兵民中必有棍徒爲之渠魁理應嚴加懲創著傳諭永貴令其據實查奏實力整頓不得稍存偏袒旗人之見致失秉公辦理之道又聞衢州府屬之常山縣米價稍昂富民囤積米糧道員鄭基公言將來必致搶奪奸民一聞此言遂先搶奪一家該道轉以爲不出所料等語前據永貴查奏惟溫台處三府所屬有因米價稍昂以致搶奪數案而衢屬常山未經奏及由此觀之可見該省民風不能安靜守法一遇米貴輒生事端而地方監司大員亦並不知彈壓禁戢之方矣現已降旨楚省撥米赴浙自可陸續接濟著傳諭永貴務董率屬員一切平糶事宜實心經理曉諭窮黎毋得借端滋釁如有恃衆不法即行嚴查究懲不可因循姑息以長刁

風欽此欽遵到臣伏查前五月初五日將軍額爾登到任以後旗民鬪毆之案共有數起皆屬細故原無搶奪罷市之事惟杭城官巷口起至弼教坊止一帶里許之內爲旗營出入地方約計鋪戶二三百家內有一種土棍積蠹開設小押名色之店崑爲旗營窮兵質當家伙賒押什物而設旗兵藉得暫通緩急舍此不能他往民人亦復從而居奇任意重利盤剝歷久相沿已非一日五月初五初六兩日臣聞有旗民打架之案即經面飭縣府查究初七日適官巷口搭臺演戲旗民男女聚集觀看傍晚之時旗民打架者原係兩事始則因旗人中有一幼童觀戲踏塌王天相麵店欄杆店主拉住勒賠因而相打戲散歸營適又有一旗人方國瓚等向翁姓小押店買帽纓鞋子不成與該鋪戶打架因小押鋪翁漢超索性刻薄原爲人所共惡隨有民人倪祥梁三亦幫同旗人將翁漢超罵罵杭城街道窄狹人烟輻湊遇有口角之事每每蜂擁從觀者如堵其中游手無賴掏摸剪綯之徒附和喧譁乘機攫取什物原屬日常有之不足爲異惟聽地方官拘拏責儆而已伊等當日打架從看戲散歸駐足觀看之人本多所有翁姓雜貨店內什物不無打毀附近店鋪之柵欄等項亦擠壞幾處



又因打鬧後爲時已晚經衆勸散適初八日早晨按察司德福赴臣衙門稟謁行至官巷口弼教坊一帶見翁姓鋪面毀壞附近之小押各店尙未開齊傳問該處民人始知於七日晚旗民又經打架並據稟稱今日怕他還要來打當即見其開張尙屬卯牌時候旗人亦未重至彼處爭毆該司至臣署中告知又有杭州府杜甲來轅稟稱現在清波門外旗人復有在湯團店打架隨委該府率同理事同知卽日前至旗營緝犯究審臣因旗人不甚安分又囑將軍立法防範在案此前五月初七初八兩日之事也是否因此而有搶奪罷市之說抑或因近日有處州府遂昌縣罷市五日金華府浦江縣罷市二日之案提犯在省嚴審以致紛紛傳說亦未可定若其餘旗民互鬪各案或因觀看婦女或因買食點心或因語言口角或因入市沽酒實係旗民打架細故且旗人雖極不肖應不至搶奪杭城大街鋪戶不下數萬餘家亦非此一處小押店鋪開遲即可謂之罷市現在逐案審擬尙未全結委無旗人人生事搶奪民人罷市抗官情事惟於額爾登到任之始旗人屢屢出於民人打架者臣爲之推原其故無非因前任將軍薩爾哈岱執法頗嚴凡有旗民交涉之事總責旗人故不敢犯亦未

免積有夙嫌新任將軍額爾登平日素有寬厚之名伊等疑爲水懦可玩以致四五日間連犯數案乃係實情額爾登亦深知應行整頓又經臣面囑隨立法防範督率閒散子弟一日兩次拉弓習射兩月以來已極斂約前因此等案件原屬臣等應辦之事是以未經詳細陳奏再屢次打架原皆旗人欲與民人爭毆其曲實在旗人現在嚴加究治惟小押店鋪重利剋剝月利在五分以上一月不加利銀即將原物扣絕往往質押什物不數月而息逾於本剋剝窮兵原係惡俗違例多收自應禁止其欺詐之情亦甚可惡近訪有開此店之積蠹究處示禁不許其收此重利至浙省各處米價昂貴衢州之常山江山等縣尤爲高昂及金衢道鄭基之才情遲鈍經臣屢次奏明惟衢郡棚民藉端攫搶用強借貸之事雖已督飭該文武緝犯嚴究人犯現皆拏獲緣此等案件情罪輕重不同若係奸徒聚衆搶掠騷擾村市必須按律置之重典否則例得外結是以未經一一上瀆聖聰且不特盜賊搶奪等事例得在外辦理即鬪鬧之案其中情罪亦有分別如其預謀聚衆塞署罷市妄行不法則爲首刃徒乃係決不待時之犯若其偶然聚會打架喧嚷並若請糶告災求借籽本等事並無抗官挾

制之情者則原係地方常有之事要在賢能官吏立時剖決解散稍有強梁情事即行拏究責徹州縣可以竟自完結尙不盡行通報臣又何敢瑣褻奏聞也本年衢郡於四五月間米價即甚昂長緣其時江西之廣信府米價貴至四兩以外一時紛紛搬運是以常山之價昂於江山今江西南康一帶早禾有收常山之價漸平自閏五月後天時亢旱江山水道乾涸糧運幾絕閩省之浦城縣亦賣三兩以上是以江山之價更貴於常山每石昂至四五兩實緣本地新米顆粒無收外江米貴客商販往灘高水險重重搬運原非四五兩不能載到地頭臣已屢次撥米前往接濟然亦僅可加意撙節擇其貧乏者計口授食以期無缺而已非俟九十月間各處晚禾收穫萬難驟平也至金衢道鄭基雖其於搶案發覺之後有無自謂不出所料尙未確有所聞而該道遇事無擔當不能彈壓禁戢所屬之中刁民鬩鬧者至有浦江江山湯溪三案不過轉爲稟報臣令其巡查各屬終於一籌莫展亦爲才力限之雖平時操守廉潔人似謹慎當此大災實難勝任現在辦理災賑諸務原委兵備道陳樹著在彼協辦臣今親往金衢各屬容當留心察訪若果有此言則玩視地方自當據實查參也理合

密行據實覆奏伏乞皇上聖鑒爲此謹奏乾隆十六年七月初三日硃批覽奏

另有旨諭

（The following text is extremely faint and largely illegible due to fading and bleed-through from the reverse side of the page. It appears to be a series of vertical columns of text, likely a continuation of the official report or a set of edicts.)

清乾隆修建各處殿宇工程案

英廉等摺

奴才英廉劉浩四格謹奏爲奏聞估計錢糧數目事本年十月初一日欽奉諭旨保和殿後簷御路石上躔中躔石俱有剝縫應拆換整石成做欽此當經奴才等奏請先領銀一萬兩備辦開採石料在案嗣經奴才等另行酌擬剝做燙樣於十一月初一日呈覽奉旨照樣准做欽此欽遵隨卽飭交該監督確估去後今據呈報保和殿後簷御路石一塊長一丈一尺上躔御路石一塊長一丈五尺中躔御路石一塊長二丈此三塊中心不動照呈准式樣兩邊就花紋線路隨式剝做整齊除拆換下舊石記明尺寸交寧壽宮工程處抵用外共估需工料銀一千六百八十三兩三錢五分七厘請由廣儲司支領應用所有原請領銀一萬兩應交該司銷案歸款可也謹將估需錢糧細數另繕清單一併恭呈御覽爲此謹具奏聞乾隆三十八年十二月初五日具奏奉旨安欽此

石料銀四百四十三兩九錢六分

繩麻雜料銀二百一兩六分九厘

鐵料銀三十三兩

灰斤銀三兩六錢九分九厘

石作工運價銀八百三十八兩九錢二分二厘

瓦作工運價銀二兩七錢一分一厘

搭彩作工運價銀一百五十九兩九錢九分六厘

共銀一千六百八十三兩三錢五分七厘

英廉  
劉浩摺

奴才英廉劉浩謹奏為奏聞估修事恭查天壇齋宮殿座奉旨交奴才等酌量油飾見新隨經畫樣呈覽奉旨羣房不必油飾其齋宮大殿順山殿並各門座俱油飾大殿前月臺亦著修理欽此欽遵奴才等前往齋宮詳細勘估得大宮門一座五間三券做法下架實楊門油飾酌舊地仗尙屬堅實應磨洗光硃紅油門釘獸面貼金二宮門一座五間三券做法大殿一座七間五券做法下架實楊門並榻扇門口地仗外面脫落皸裂者應鑿砍重做裏面未皸裂者應磨



洗均光硃紅油門釘獸面線路菱花眼錢貼金裏外琉璃門四座各計一間下  
架實榻門油飾尠舊地仗尙屬堅實應磨洗光硃紅油以上大殿宮門琉璃門  
共七座上架枋墊桁斗科俱係素白琉璃地仗畫活脫落者多應照舊式大點  
金彩畫見新又齋宮殿一座計五間順山殿二座計六間下架柱木裝修地仗  
有脫落皴裂者二成至五成不等應鑿砍補做光硃紅油地仗未皴裂者應磨  
洗光硃紅油線路貼金又大宮門內北邊鐘樓一座四面各顯三間下架柱木  
裝修油飾尠舊地仗尙屬堅實應磨洗光硃紅油線路貼金以上齋宮殿順山  
殿鐘樓共四座上架枋墊桁地仗外面皴裂者應鑿砍重做其殿座廊內枋梁  
地仗尙屬堅實應照舊式彩畫見新又齋宮南山御座房一間前簷遊廊二間  
垂花門一座下架柱木裝修地仗脫落皴裂者多應滿鑿破重做光硃紅油又  
齋宮兩邊遊廊四間下架柱木皴裂者五成應鑿砍補做光硃紅油地仗未皴  
裂者應磨洗光硃紅油以上御座房遊廊垂花門共五座上架枋梁畫活地仗  
尙屬堅實應照舊式彩畫見新通計殿宇樓座宮門遊廊共十六座計四十三  
間隨墻門口八座油飾見新除所需顏料向戶部行取應用架木由工部取用



外按例估需工料銀七百四十八兩五錢二分五厘又查勘得大殿前月臺並齋宮宮門等處甬路海墁磚內有酥城破壞者應行挑墁除所需城磚一千三百八十七塊由城工餘存磚塊內行取應用外按例估需工料銀八十二兩四錢七分三厘又大宮門兩邊週圍大牆裏皮舊拆遊廊地面磚破碎者居多應請拆去將大宮門內兩山至南北琉璃門東山牆根散水即選用此項舊磚合對鋪墁以取完整按例估需工料銀二十兩四錢一分又殿座墻垣下肩細磚內稍有酥城尙堪磨平者有酥城過甚者上身紅灰有脫落臃裂露出墻身者有尙堪提漿者今擬將大殿宮門琉璃門鐘樓下肩細磚磨平上身紅灰鏟抹後殿順山殿下肩細磚磨平上身紅灰提漿又外圍大墻外皮下肩磨平上身提漿計湊長一百三十六丈二尺裏皮下肩磚塊殘損應剔砌城磚一進上身鏟抹紅灰計湊長八十五丈三尺又二宮門南北兩山至南北琉璃門西邊裏外二面下肩磚塊亦俱酥城殘損應剔砌城磚一進上身鏟抹紅灰計湊長四十九丈七尺又前殿兩山并垂花門兩邊以及耳殿御座房院墻隔斷墻二面下肩磨平上身提漿計湊長一百二十九丈二尺除剔砌下肩所需城磚一萬

九百四十四塊向城工餘存磚塊內行取應用外按例估需工料銀一千六百六十九兩七錢六分一厘以上四項通共估需銀二千五百二十一兩一錢六分九厘請向廣儲司支領奴才等派員備料明春妥協修理統俟工竣另行率員詳細查核據實奏銷謹將估需工料銀兩細數另繕清單一併恭呈御覽爲此謹奏乾隆三十八年十二月初十日奉旨知道了欽此

灰斤銀二百十九兩九錢二分二厘

繩麻銀一百五十七兩八分七厘

雜料銀五百九十四兩六錢八分四厘

瓦作銀七百兩二錢八厘

搭材作銀一百五十四兩九錢

油畫工價銀六百五十五兩六分八厘

拉運架木車脚銀三十九兩三錢

共銀二千五百二十一兩一錢六分九厘

英廉  
劉浩摺一

奴才英廉劉浩謹奏爲奏聞估需工料銀兩事本年三月十七日經奴才等具奏景山北上門內東面二柱三樓牌樓一座南邊柱木一根被風刮傷向東閃出尺餘恐其坍塌倒隨搭架保護一面派員將頭停拆卸詳查更換至北邊柱木無糟朽現有油灰地仗難以確勘俟拆卸後再行詳查如其亦有糟朽之處卽一併估奏更換等因於二十日奉旨知道了欽此欽遵茲據該員報稱將北上門內東面牌樓頭停柱木拆卸後詳加查看南邊柱木一根下截在夾杆石以內糟朽折傷北邊柱木一根夾杆石以內亦糟朽數尺難以復用又明間額枋二根扶脊木一根兩次樓垂柱二根山花博縫板亦俱糟朽等因呈報奴才等親往查看柱木等料糟朽屬實俱應更換詳細查估得此二柱三樓牌樓一座明間面闊一丈八尺二次間各面闊五尺中柱高三丈七尺四寸經一尺三寸兩邊垂柱高一丈三尺五寸經一尺安斗科花板頭停窻七樣黃色琉璃脊瓦料今添換明間南北柱木二根額枋二根扶脊木一根兩次樓垂柱二根山花博縫木板粘補斗科飛簷椽各一成望板連簷瓦口一成拆安夾杆其鑲杆

噙口等石有破裂者選用舊青砂石料拆砌夾杆石背後磚塊頭停七樣黃色琉璃脊瓦料內有殘損者添補新料八十八件因拆修牌樓拆砌南北兩邊圍牆二段各長八尺上身抹飾紅灰並牌樓照舊式油畫見新以及出運渣土等項按例核估工料銀六百四十五兩九錢一分五厘此內取用官廠木植值銀二百六十六兩五錢三厘應由庫領出照數交納圓明園銀庫歸款外淨需銀三百七十九兩四錢一分二厘理合奏明請向廣儲司銀庫支領派員及時妥固修整統俟工竣詳查核銷謹將估需工料銀兩分晰細數另繕清單恭呈御覽至換下糟朽柱木額枋等料請交營造司存貯遇有活計合對選用抵除錢糧再查北上門內西面牌樓一座柱木頭停尙屬完整惟油飾尠舊其地仗歷經風雨亦有皸裂之處今東邊牌樓旣已拆卸見新則西邊牌樓相對一新一舊不稱觀瞻若與東面牌樓一色油飾見新似覺適觀計需銀一百十三兩九錢一分七厘是否照辦伏候訓示爲此謹奏請旨乾隆四十一年四月十八日奉旨知道了欽此

木植銀二百六十六兩五錢三厘（簽）應由廣儲司銀庫領出交納圓明園銀庫歸款

磚塊銀十三兩一錢三分五厘

琉璃料銀十二兩九錢九分

灰斤銀二十八兩七錢一厘

繩麻雜料銀五十一兩五錢二分二厘

鐵料銀八兩一錢八分七厘

大木作銀三十七兩三錢三分七厘

石作銀十三兩九錢四分七厘

瓦作銀十九兩九錢五分二厘

搭材作銀六十六兩二錢四分七厘

土作銀十七兩六錢四分三厘

油畫工料銀一百二兩五錢五分一厘

拉運木植車脚銀七兩二錢

共銀六百四十五兩九錢一分五釐

西面牌樓油畫見新需用工料銀一百十三兩九錢一分七厘

臺灣黃教案

鄂寧摺

福建巡撫革職留任臣鄂寧謹奏爲奏明事臣於十一月二十一日在廈門接奉廷寄欽奉上諭著派余文儀前往臺灣將就獲各犯隨時審明即在該處正法示衆惟首犯黃教於獲到後多派妥幹員弁沿途小心押解交鄂寧嚴行審訊照例凌遲處死欽此欽遵臣隨一面飛調按察使余文儀一面飛飭臺灣道府停止解犯至廈門即於二十一日繕摺馳奏在案余文儀已先接到督臣札飭起程前來於二十五日已到廈門臣查臺灣匪案人犯雖已前後報獲七十四名而首逆黃教尙未報獲餘匪亦未報續獲其實在起事糾夥確情至今未接道府訊供稟報臣隨與余文儀面言此案賊匪抗敵官兵燒燬汛房殺傷官兵蔓延數百里衝突幾一月罪大惡極首犯黃教拿獲之日固應加以極刑其中夥犯內有號爲頭目同惡相濟者及在各處實係殺傷官兵者審訊確實亦應照首犯處以極刑其餘實係夥犯并未殺傷官兵者方照謀叛律斬決

硃批是

總應從嚴辦理使海外地方民番咸知儆懼臣又將臺灣文武節次具報匪案



疎漏矛盾應行嚴查辦理之處逐條開列交與余文儀到臺灣詳細訪查據實具覆以便分別辦理二十八日風色稍定余文儀卽於是日登舟開行至臺灣自水師提臣吳必達十二日到後至今半月並無文報臣詢之廈門文武俱稱近日因天陰風信不定故臺灣進口船隻甚少臺郡近日情形是以無從訪問除俟接到提臣吳必達來札並文武稟報情形另行具奏合併陳明伏祈皇上聖鑒謹奏硃批知道了乾隆三十三年十一月二十八日

吳必達摺

提督福建水師總兵官奴才吳必達跪奏爲奏明事竊逆匪黃教未獲正在設法分布官兵堵截搜捕又有南路閩粵莊民挾仇互相焚殺之事奴才業於十一月二十八日繕摺由驛奏明聖鑒茲續調水師官兵陸續已到臺灣奴才現就臺灣鳳山兩縣交界及諸羅彰化各縣屬總路要口分布堵截並遣派官兵酌配現募之士著鄉勇引路入山一面偵探賊匪踪跡一面跟尋追捕統計此案賊匪先後拿獲共九十餘名早晚添調陸路官兵到齊將一切山路各口再



行密截大加搜捕務期逆匪首從盡行勦滅以絕根株硃批「好」至閩粵莊民互相焚殺之事奴才現准在南路截捕賊匪就近彈壓查辦之總兵王毓札稱傳到粵人首事萬丹鄉老人等嚴諭傾服並取具二比甘結在案現又前往墩頂查辦等語又據知府鄒應元稟稱會同遊擊陳玉書前往查辦閩粵之人尙在相持或見官至則止官去仍生釁端或見官勸諭則引過於不肖子弟窺其意未肯遽息現在勸諭務使二比解散等語又據署遊擊劉宗憲稟稱探有閩粵莊民械鬥之事即傳閩粵鄉老人等指陳利害甚得降心相從約令齊到面相會釋前怨忽有南勢一帶閩人黨衆焚搶粵人莊社各有損傷察看二比搆怨已深惟有竭力安頓以期止息等語又據知縣方輔悟稟稱隨同臺灣鎮辦理水底寮閩民與港東粵民面立合同和好現在水底寮老民於初四日隨同至墩頂等候粵民首事到齊安撫妥協再赴山猪毛一路安撫所有被焚房屋間數傷斃人口俯俟確實查明另稟等語奴才查南路一帶自羅漢門起至水底寮止相去一百餘里閩粵村莊聯絡莊民數萬擁衆互鬥一時勸諭不能遍及是以未得盡行平息除再移行文武極力嚴諭勸止務令相安外謹將現在

截捕賊匪並勸諭閩粵莊民各情形繕摺由陸百里驛遞奏明伏乞皇上睿鑒訓示遵行謹奏乾隆三十三年十二月初八日硃批「已有旨了」

鄂寧摺二

福建巡撫革職留任臣鄂寧謹奏爲奏報台灣賊匪現在情形事臣自十一月三十日奏報臺地賊匪情形之後將及十日未接該處文武稟報業於十二月初九日附摺奏明即於初九日戌刻接到水師提臣吳必達來扎據稱十一月十八日聞鳳山縣鳳彈馬鞍山地方有豎旗招夥之事十九日又聞北路水沙蓮賊匪甚多各處俱請添兵勦捕及至領兵前往賊已逃遁遍搜無踪首逆黃教踪跡先聞逃往南頭枋寮等處後又訪聞逃入諸羅內山終無定所二十四日晚又聞南路水底寮有賊匪搶莊焚殺又聞係莊民挾仇焚殺飛札臺灣鎮及知府確探實情星往撲捕二十五日卽有漳泉莊民遞呈三十六紙皆指名具控粵人客莊管事藉義民名色率衆焚搶之事已發道查辦閩粵各莊素有仇隙現因該地有招募義民之事粵人藉捕賊名色焚搶閩人閩人又會衆報

復彼此俱有殺傷南路閩粵莊民不下數萬擁衆互殺大有關係現已飛檄文武極力前往諭止又聞二十四日夜賊匪在大穆降燒燬民房三十餘間殺傷二命又據守備鄒維熊稟探得北路斗六門又聚匪數百欲攻斗六門俱分派將備前往確探剿各等語此提臣札內所言之賊匪情形也初十日午刻又接到臺灣道府稟二十四日夜賊匪焚殺大穆降民房之事與提臣所言相同又詢之被害民人因大穆降係黃教生長之地彼處居民現有隨同員弁偵探勦捕者此次焚殺或即係黃教挾恨所爲至鳳山縣南路閩粵居民相錯素有仇隙此番黃教謀逆粵莊管事召募鄉民防守稱爲義民閩民因其加以不義之名各懷積忿互相搆讐十一月二十五日閩民柯友方分赴水師提臣暨道衙門控告現已派委文武馳赴安撫並確查嚴究各等語此道府所稟之情形也臣查賊匪黃教竄伏情形忽離忽合倏南倏北聚散踪跡無定賊匪固極狡黠官兵亦未得其要領是以賊匪至今久稽顯戮余文儀赴臺時臣與之反覆討論到彼當與提臣熟籌務先探明首匪踪跡確在何處就山川形勢相機設伏截其去路鼓勵將士可以一鼓成擒萬勿致師老轉生懈弛臣又屢次札囑提

臣申明軍令振作士氣匪夥無令一名漏網平民無令稍有驚疑至賊匪光景看來必不止黃教一起是以忽在南路焚殺北路又傳言擾害臣亦面囑余文儀到臺須首查賊匪實有幾處務得其根底巢穴方能得辦理之法既獲其首餘黨始能解散就擒至南路閩粵莊民平日原互有嫌隙向來臺地遇有奸匪發覺時粵民各自立義民名色保守村莊今次閩民因而挾嫌彼此擒殺此事惟當嚴切曉諭開導各使解散自相保守果係挾嫌乘機焚殺者嚴拿各置於法臣已飛飭余文儀確查妥辦勿致互相殘殺釀成事端再水師提臣自行帶往官兵一千二百餘員名久已到臺其初次調赴北路之水師官兵七百二十餘員名配坐淡水艍船十隻於十一月十四至十六日九船俱已到臺惟海壇鎮標兵船一隻在洋遭風折桅至今尙無信息又續調之水師官兵一千三百餘員名亦於十一月二十一至二十八日先後全數抵臺其第三次調往之陸路官兵一千名已於十二月初初五兩日開行赴臺訖現因臺郡將領內熟悉幹練者甚少提臣吳必達囑臣將曾任臺灣南路營參將今陞授福州協副將戴廷棟調往協辦勦捕臣卽日飛檄飭令酌帶強幹弁兵星馳至廈門配船

速往聽候調遣臣仍札知提臣吳必達諄諭臬司余文儀將應行查辦籌畫之處詳慎妥辦迅速馳報臣於初九日晚已接提臣吳必達文札至初十日午刻奏摺始遞到廈門今一並由驛站六百里馳奏合併陳明伏祈皇上聖鑒訓示謹奏乾隆三十三年十二月初十日硃批即有旨諭

提臣吳必達與臣札云臺灣總兵王巍雖現在尙無貽悞之處而辦理一切竟有竭蹶之狀等語臣查王巍雖係初到臺灣甫及一月卽有黃教豎旗爲逆之事一切情形風土未諳而臣細察其辦理調遣剿捕諸事不過隨地敷衍全無頭緒此時賊匪尙未能勦除僅藉吳必達一人有顧此失彼之慮臣本擬於內地總兵內咨調一員赴臺協助現如金門鎮總兵楊元超人似勇往而年力已經就衰海壇鎮總兵章紳臣雖未識其人卽就現在調發官兵一事獨該處官兵調發遲滯不似實心任事之員漳州鎮總兵葉相德臣聞其人明白強幹

批硃

此人去得  
已有旨了

但漳泉一帶地方亦甚緊要且陸路提臣黃仕簡又留駐建寧未能

卽回不便令其前往內地總兵亦無可以調往之員仰請皇上天恩於近閩省

分總兵內有強幹諳練實心任事者簡調一二員速行赴閩即令一員前赴臺

灣任事將王巍撤回俟匪案完竣核其功過奏請聖裁

硃批又錯了

豈但如此

臣因

臺灣海外重地現在辦理重案既知王巍難以勝任不敢不及早奏請督臣崔應階遠駐浙省臣不及扎商謹此具奏硃批「覽」

吳必達摺二

提督福建水師總兵官奴才吳必達跪奏爲奏聞事竊賊匪黃教等遁入諸羅縣屬之大武壠劍門坑等處業經具奏在案奴才正同按察使余文儀會訊已獲各匪犯間接到總兵王巍札稱探得賊匪首夥潛匿劍門坑山上隨一面知會知府鄒應元遊擊陳玉書協擒於本月十六日督率官兵前往攻擊因懸崖壁立逼臨深坑中間止容一人行走當卽緣崖直上賊來拒敵鎗斃賊匪數人詎賊匪望見繼進兵丁衆多卽將亂石滾下前隊弁兵多被滾石打傷連械跌下山坑隨暫時收兵被傷兵丁從坑中攀崖出者共有二十餘名惟千總蘇應琛一員兵丁三名傷斃砲械跌落山澗者現在找尋俟查明另報等由除飭將



受傷弁兵加意撫恤調理外奴才伏思賊匪本非衆多因熟悉山徑捷於走險東流西竄以致未能尅期撲滅此番賊既踞劍山自應奮勇進剿豈可因山徑險仄偶被石傷卽生畏葸當卽專員賫令嚴督將備兵丁益加奮勇上山收捕奴才現在趕辦審案完結卽前往督率

硃批明係規避

錯了汝非文員審案有何要緊

追踪勦捕務期擒獲匪黨首從以淨根株外謹將近日捕賊情形繕摺由六百里驛遞奏聞仰祈睿鑒謹奏乾隆三十三年十二月十九日硃批「已有旨了」

### 鄂寧摺三

福建巡撫革職留任臣鄂寧謹奏爲奏明事竊臣查辦臺灣賊匪黃教等謀爲不軌一案訪聞得臺灣有陳宗寶其人與生番最熟匪夥頗多近亦與黃教通聯卽經密飭臺灣道張珽迅速查拿至十二月初九日張珽始稟覆聞陳宗寶亦附黃教現在擒拿等語經臣於參劾張珽摺內附奏在案臣又訪知陳宗寶曾犯徒罪在配脫逃隨飛弔原卷至廈門查閱始知陳宗寶於乾隆三十一年經前督臣蘇昌訪聞陳宗寶現充鳳山縣番社通事窩匪搶竊密飭道府嚴拿



臺灣道張珽知府秦廷基因陳宗寶住居傀儡山加泵社生番界內不能查拿遂令鳳山縣知縣譚垣購線前往加泵社番界曉諭陳宗寶自行投首并伊所娶番婦咯根立同幼子四人一並獻出審明夥同賊犯王賽等偷竊耕牛等案陳宗寶照越度緣邊關塞律減二等擬徒二年三十二年七月十九日發興化府屬仙遊縣楓亭驛充徒其妻咯根立並幼子發回原籍同安縣安插陳宗寶於十月二十五日在配脫逃經縣詳報飭行各原籍查拿而陳宗寶已偷渡過臺其妻咯根立並四子查已不在同安亦必潛逃過海現在嚴飭跟究查拿臣查陳宗寶原係伊故父陳顯所娶番婦所生伊又娶生番之女原屬異類且內地民人牽娶番婦久經嚴禁陳宗寶又潛住番界窩匪擾民既經前督臣訪拿道府輒以不能拿獲誘令自首從輕擬徒完結在配脫逃偷度回臺又不實力查拿縱令潛住番界今陳宗寶果否與黃教一同爲逆尙無親見陳宗寶領賊焚殺之事虛實未定但此等匪類從前辦理實爲疎縱適前任鳳山縣知縣譚垣因俸滿送部引見業經臣給與咨文起程既查出伊任內有此事且臣聞譚垣在鳳山縣任內番社通事與縣民頗皆信從是以從前能誘致陳宗寶臣即

飛調伊回至廈門面加詢問伊亦自知從前辦理舛錯情愿即赴臺灣購擒陳宗寶臣隨告以無論陳宗寶已入黃教之夥與未入黃教之夥但能購線捕獲既可剪除黃教羽翼或可即因陳宗寶誘擒黃教俱屬有益硃批好即日令其前赴臺灣俟其能否擒獲分別具奏臣既查核檔案備悉從前辦理陳宗寶一案實屬疎忽玩縱不敢不將實在案情即行奏明仍容臣嚴飭余文儀查明陳宗寶是否與黃教一同爲逆曾否焚殺官兵具覆到日將從前辦理陳宗寶一案應參職名奏請交部嚴加議處硃批是應俟事稍定當大加整理一番重處一二人方可爲伊等諱飾之戒也將此旨亦與崔應至陳宗寶一案從前因係擬徒外結之案并未咨部合併陳明伏祈皇上聖鑒訓示施行謹奏乾隆三十三年十二月二十四日硃批覽



道光朝外洋通商案

陶澍  
林則徐摺二

兩江總督臣陶澍跪奏爲遵旨詳查暎咭喇國夷船復行北駛緣由據實覆  
江蘇巡撫臣林則徐奏仰祈聖鑒事竊臣等承准軍機大臣字寄道光十二年七月初七日奉上諭  
據訥爾經額奏登州鎮總兵周志林咨稱六月十八日劉公島洋面有夷船一  
隻乘風駛至詢係前在江蘇等省被逐之船等語陶澍等既奏稱將該夷船押  
護南行不任北駛何以復竄入山東境界着陶澍詳查據實具奏等因欽此臣  
等跪誦之下兢惕實深伏查該夷船於六月十一日自江南羊山洋面開帆當  
派蘇松鎮總兵關天培押出江境南行一面飛咨浙江撫臣暨提鎮一體飭押  
回南旋據關天培具報於十二日申刻押護出境入浙江洋面是以臣等據情  
具奏嗣因未得浙洋接護之信當又檄查蘇松鎮兵船究已押至浙江何處洋  
面並該夷船作何下落去後覆於六月二十七八等日接據該鎮關天培轉據  
尤吉林明瑞報稱押送夷船於六月十三日黎明過浙江盡山洋面已離江南  
二百餘里該夷船向東南深水大洋遠去查江南洋面東過馬蹟陳錢即屬浙

江洋汎其深水大洋直達夷境水深五六十托江省兵船不能寄棹即浙省兵船亦不能在彼守候是以另換小船折回西南差千總陳施華等尋至舟山迎見定海鎮陳步雲告知情形該鎮即飭兵船趕往驅逐等情並准江南提督王應鳳咨同前由續又接准浙江撫臣富呢揚阿提臣戴雄各咨稱准定海鎮咨開六月十五日蘇松鎮差弁前來稱夷船向東南外洋而去當飭兵船瞭望未見踪跡查外夷之船押逐出境未便飭由內洋行走致令認識沙線而一經放出外洋卽一望無際四通八達船由風轉條而東南條而西北不能自主亦不能寄棹兩船同行轉瞬之間可以相去數十里彼此各不相見故該夷船一放外洋兵船即無從押逐等語臣等查江南兵船押逐夷船已過浙江盡山洋面因深水大洋不能兩相接替故換小船遣弁知會業已迎見定海鎮兵船自非捏飾而浙省咨稱外洋不能寄棹無從押逐亦係實在情形是六月十八日竄至山東劉公島洋面之夷船諒係由盡山東南之深水大洋乘風折回北駛如謂該夷船由內洋竄北則斷不能飛越江南汛地蘇松鎮卽或廻護匿報而迤北之狼山鎮及東海廟灣等營節經飭查斷無不見蹤跡之理其六月十三日

甫過浙江盡山洋面十八日已至東境若由內洋必不能如此之速其爲由外洋折竄無疑惟該鎮關天培等雖已押逐出境距江南洋面已有二百餘里之遙並經咨會定海鎮一體押逐但究未能將夷船明白交替亦有應得之咎相應請旨將蘇松鎮總兵關天培奇營尤吉林明瑞仍照疎防例交部議處至該夷船此逐彼竄蹤跡靡常現准山東撫臣咨會六月十九日該夷船復由劉公島洋面開向正東大洋而去難保不仍來江境臣等已嚴飭水師巡船在於交界洋面認真哨探如遇該夷船到境即行挨次押回毋任往來游弋所有查明該夷船北竄情形謹合詞據實覆奏伏乞皇上聖鑒謹奏道光十二年八月初五日奉硃批欽此

陶澍  
林則徐片

再查該夷人胡夏米等因在廣東爭佔馬頭被逐不敢回國是以由粵而閩而浙而江直至山東各沿海處所往來遊弋無非希冀銷售貨物經各省委員明白曉諭伊等亦知例禁綦嚴不准貿易但恐該夷船尚有夾帶違禁之鴉片烟



土等物在於海口勾串奸商哄誘居民私相授受此則貽害匪淺不可不亟爲查察加以懲創况該夷船從未到過江浙海口即寧波上海各洋行亦無與彼熟識之人乃竟敢於到處停泊投遞稟詞懇求貿易恐有漢奸從中指行或代爲主謀皆所不免現被東省驅逐之後折回南行

批硃 日者不當視爲易易含混入奏而今亦不必如此

張皇安逞材能

茲再入江境內洋停泊海口即當密派文武大員前至該夷船嚴行搜

查如有鴉片烟土等物飭令儘數起除傳同夷兵當面焚燒毋許稍有留剩一面密訪船內漢奸指名查拿令其自行交出以便訊明從重奏辦倘夷人膽敢抗違即行多派水師弁兵排列巡船申明禁令示以聲威靖其桀驁之氣庶外夷咸知儆懼而洋政愈以肅清是否有當謹將酌擬辦法先行附片密陳伏祈聖鑒謹奏道光十二年八月初五日奉硃批此事總以不准停泊銷貨爲正辦再要明白交替不可兩省推卸若因此別生枝節致啓衅端則責有攸歸矣凜之另有旨欽此

諭爾經額摺二十八日旨至東戴著由內務府不銷成批之類其餘由內



山東巡撫臣訥爾經額跪奏爲遵旨詳查據實奏聞事竊臣承准軍機大臣字寄奉上諭前據訥爾經額奏登州鎮總兵周志林咨稱六月十八日劉公島洋面有夷船一隻乘風駛至詢係前在江蘇等省被逐之船本日又據陶澍等奏五月二十二日有暎咭喇夷人大船一隻約七八十人小船一隻約二十餘人駛入江南羊山洋面停泊經該督等飭委巡船押送出境於六月十一日晚間促令開行向東南折戩而去並派蘇松鎮總兵關天培等押赴浙江交界該鎮報於十二日申刻押護出境入浙江洋面仍飛咨前途一體派船押護南行斷其北駛之路等語是該夷船已於六月十二日由江境洋面押入浙洋何以六月十八日仍復北駛至山東境界著訥爾經額將此情節詳細查明據實具奏等因欽此遵查英咭喇胡夏米夷船前於六月十八日入山東文登縣之劉公島洋面即於十九日開向正東大洋而去臣先後接准登州鎮臣咨報均隨時奏明在案其前在江南上海係於何日開行是否逐至浙洋復又北駛原咨內並未敘及隨經咨查并扎調會上夷船之威海汎把總遲光維水師北汎把總張福增等至省查詢據稱該汎弁等駕船巡洋於六月十八日酉刻見有夷船

一隻由南駛至威海口劉公島外下椗距口岸約有四十餘里伊等即會同該處分防巡檢捐滋同上該夷船查看情形內有夷人胡夏米略通漢語據稱係英喇喏國貿易船隻船上共七十人係由福建寧波於五月二十外不記日期駛至上海停泊因不准售賣貨物於六月十一日開行乘風至此隨一面遵照前奉諭旨逐令開行一面飛稟登州鎮臣核辦適該鎮在福山縣八角海口巡查距威海口二百餘里比及得信趕至而該夷船先已於十九日申刻開行其是否先已到浙復又折回未據該夷人細述等語並由鎮臣咨覆前來臣詳加查核該夷船姓名及在上海住泊開行各日期均與江蘇原奏相符並查自上海放洋如遇順風或五六日或七八日即抵登州前辦海運案內有報案可據江蘇距浙洋相去不遠核對該夷船自南開行駛至山東其間已歷八日即由浙省折回計程亦不甚懸殊且昨於七月十七日續准兩江督臣以六月十二日以後浙省探無夷船踪跡恐其乘風向北行駛咨臣偵探防禦等因其爲到東夷船即係前在江蘇被逐之船似無疑義查該夷船於六月十九日由登州洋面開向正東大洋而去臣接准咨報當即分咨直隸江浙等省巡查防範並

咨登州鎮選派舟師分投追探在案現據北路弁兵稟稱探至天津一帶並無  
夷船踪跡其東南有兩路尙未回報臣查東路洋面偏南係朝鮮偏北係奉天  
臣已飛咨奉天府尹盛京將軍飭令沿海各屬一體巡防並咨明兩廣福建督  
撫各臣飭派巡船查探倘該夷船徑自外洋折回閩粵應即驅令回國勿使再  
行攔入內地所有遵旨查明叅咥咥喇夷船係被江蘇驅逐復駛至東省緣由理  
合恭摺覆奏伏乞皇上聖鑒謹奏道光十二年八月初九日奉硃批知道了欽  
此

### 奕顥摺

奴才奕顥跪奏爲遵旨查明叅咥咥喇夷船並未駛至奉天海面恭摺覆奏仰祈  
聖鑒事竊照本年八月二十七日承准軍機大臣字寄道光十二年八月二十  
二日奉上諭前據訥爾經額奏叅咥咥喇夷船乘駛至山東洋面該夷船前已駛  
至福建浙江江蘇等省疊被驅逐尙敢乘風駛至山東情殊可惡降旨令驅出  
東境不准容其進泊並着飛咨江蘇等省派撥弁兵於交界洋面巡防接護一

體押令南行惟是洋面遼闊兵船不能接替外洋又不能寄棹誠恐稽察難周又復乘風北駛冀圖向山海關等處海口停泊銷售貨物向來該夷船祇准在廣東貿易不許攔入他省任其就地銷售該夷船屢經驅逐仍復明知故味駛經數省一船如此倘後此相率效尤尙復成何事體着奕顥左廷桐嚴飭山海關稅務監督翔鳳及該處弁兵妥爲防範如該夷船向海口停泊即行驅逐毋任片刻停留倘有懇求就地銷售情事祇當飭委明幹妥員諭以天朝定制如此務須恪遵功令自不慮其肆行狡誑但不准向該夷船搜查違禁物件使該夷人有所藉口即或抗違不聽約束仍須嚴密防堵勿令上岸驅逐截回認真巡邏明白交替斷不許用礮轟擊以致滋生事端是爲至要如該監督等不能妥爲防範竟有內地奸民及不肖兵丁與之勾結私將貨物銷售及辦理不善致有別啓釁端之處該監督於稅務稽查是其專責必將該監督從重治罪不貸奕顥等自問能當此重咎耶將此諭知奕顥左廷桐並傳諭翔鳳知之欽此遵旨寄信前來跪讀之下仰見我皇上鎮撫遠夷縝密周詳之至意奴才先於本年八月初四日接准山東巡撫訥爾經額知會當即飛飭沿海各地方官加

謹防範並選派委員帶領水師弁兵駕駛巡船詳偵遠探如有喫咭喇夷船乘風東來遊弋洋面務即妥爲驅逐勿任攔入海口停泊銷貨亦不得滋生事端致干重咎去後旋據各該員等稟報督率弁兵駕船偵探奉天所屬各洋面海口並無喫咭喇夷船遊弋停泊等情茲復欽奉諭旨遵卽飭令嚴密巡防倘有該夷船隻駛至奉天洋面立即報明奴才暨附近海口之錦州熊岳副都統遴委明幹妥員恪遵聖訓詳細曉諭明白開導飭令安靜回帆毋使任意逗遛總期措置得宜務俾遠夷知感知畏勿滋事端仍嚴飭沿海一帶地方兵民人等斷不可貪圖微利與之勾結私售貨物自罹重罪並飛咨山海關稅務監督翔鳳一體欽遵妥爲辦理所有奴才遵旨查明現在並無夷船入境緣由理合恭摺具奏伏乞皇上聖鑒謹奏道光十二年九月十二日奉硃批知道了欽此





山西巡撫阿思哈奏覆大同等州縣查無長陵遺址摺

山西巡撫兼管提督事務臣阿思哈跪奏爲遵旨議奏事竊照接准部咨行令確勘大同等州縣有無長陵遺址一案當查晉省歷年造報防護古昔陵寢案內大同府屬未有開載而朔平府屬之右玉縣載有魏孝文帝陵寢在縣城南三十里大南山頂上等語卽經行司轉飭大朔二府確勘詳報去後茲據布政使多綸詳稱奉部引一統志山西大同縣有北魏壽陵注云在縣北方山而引水經注爲證水經注方嶺上有文明太后陵陵之東北有高祖陵二陵之南有永固堂等語今據右玉縣查覆雖相傳有魏文帝陵在城南三十里大南山頂上已非方山地面且無陵墓可考亦無碑碣可稽是否長陵遺址實難憑信又查大同縣志載方山城北五十里上有拓跋魏二陵俗傳岐王墓等語現經查驗方山頂有二塚前後相向形同培塿並無碑碣其俗傳岐王墓原屬傳會訛傳但方山現在縣北頂有二陵或水經注所云卽指此處惟是志乘旣無傳信之文殊難卽於此二陵之中漫指其一以定爲魏孝文兆域况元魏始都平城孝文帝遷都洛陽就魏書所載初帝孝於文明太后乃於永固陵東北里餘營



壽宮遂有終焉瞻望之志及遷都洛陽乃自表瀍西以爲山陵之所而方山虛宮號曰萬年堂云則孝文帝自在洛陽現在方山之陵即或如水經注所云亦屬始營之虛宮而非靈爽所式憑也明甚似應俟洛陽勘明有無長陵遺址或求得初兆或仍於宋祖備葬衣冠之所致祭聽候禮部定議庶不致有傳僞之失等情前來臣復逐加考覈無異除備叙咨明禮部外理合恭摺覆奏伏乞皇上聖鑒勅部查照施行臣謹奏乾隆十七年九月十九日硃批該部知道

山西巡撫同恩劄奏晉大同善林總查兼呈刻畫世監